



UNIVERSITÄTS-
BIBLIOTHEK
PADERBORN

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. III. De Bonitate Dei

[urn:nbn:de:hbz:466:1-77132](#)

sum & elevatum. Comprehensio vero totius entitatis & perfectionis que in creatura reperitur, denotatur in eod quod Deus depingitur, veluti amictu gloria, ad significandam plenitudinem maximam divini esse, ambientis & continentis totum esse creaturarum. Ad explicandum vero quod est Dei continet omne esse creaturarum, sine illa admixtione defectus, & seclusis imperfectionibus potentialicatis, limitationis, compositionis, &c. Seraphim clamat Sanctus, Sanctus: Sanctus enim idem est ac puritas; & ad hoc amplius declarandum, ter vocatur Sanctus, ut hac tripla repetitione denotetur, puritatem illam esse summam, & infinitam, & ab omni impuritatibus macula, & imperfectionis fece prorsus immunitam. Unde Augustinus, vel Author libri de spiritu apud Augustinum regno 9. Deus est sine quantitate magnus, sine qualitate bonus, sine tempore semper immutatus, sine morte vita, sine infinitate fortis, sine mendacio verus, sine loco ubique totus, sine situ ubique praesens, sine extensione omnia implens, sine contractione ubique occurrens, sine motu omnia transiens, sine statu intra omnia manens, sine indigentia omnia creans, sine labore omnia regens, sine mutatione omnia mutabilitas faciens.

§. III.

Demonstratur Deus simul cum creaturis, non esse quid maius, aut perfectius, etiam extensivè, quam Deus solus.

Dico tertio: Deus cum creaturis non est aliquid maius & perfectius intensive, sed nec extensivè propriè, quam Deus solus. Est contra Durandum, & quoddam alios: est tamen D. Thome 1.2. questione 34. articulo 3. ad 2. & questione 5. de malo, art. 1. ad 4. & in 3. sent. dist. 5. quest. 2. art. 3. ad 2.

Probatur primo conclusio ex Scriptura, & SS. Patribus: Isaia 40. tota creaturarum universitas, cum Deo collata, dicitur esse quasi stilla stulta, & omnes gentes quasi non sint, sic esse corameo, & quasi nihilum & inane reputari: Sed ex accessione nihil, esse non crescit, sed potius decrescit: Ergo nec ex accessione creaturarum augetur & crescit divina perfectio. Unde Augustinus tractatu 11. in Joannem. Si fueris sine Deo, minor eris; si fueris cum Deo, maior Deus non eris: non ex te ille maior, sed tu, si non minor. Item Gregorius Nazianzenus supra relatus, comparat Deum Oceanum, & vocat essentiam divinam πλαγας οικους, id est immensum quoddam Pelagus essentia. Sicut ergo Oceanus sic à natura dives est, sic seipso abundans, ut nec adventitiis aquis crescat, nec perpetua aquarum suitor labentium fugā decrescat; ita Deus, nec incrementa, nec decrementa patitur perfectionis, semper plenus, semper abundans, & super effluens.

Probatur secundo ex D. Thoma, qui loco citato ex 3. sententi. dicit: Bonum creatum se habet ad incrementum, sicut punctum ad lineam: Sed punctum, cum sit indivisibile, additum linea non facit maius: Ergo nec creatura addita Deo. Item loco §. 1. citato ex summa contra Gentes, docet, quod divinum esse se habet sicut ens abstractum abstractione formalis, respectu aliarum perfectio- num: Sed ens abstractum abstractione formalis, & Angelus verb. gr. non sunt quid perfectius, quam solum ens abstractum; si quidem habent se sicut includens & inclusum, & quidquid perfectionis

Tom. I.

A est in Angelo, clauditur in ente sic abstracto: Ergo etiam Deus & creatura simul sumptus, non faciunt aliquid maius & perfectius, quam solus Deus.

Probatur insuper conclusio rationibus D. 32. Thomae, locis citatis. In pribris enim infinitum, ex additione alicuius finiti, non potest fieri maius, ut docet Aristoteles: Sed Deus est simpliciter, & in genere entis infinitus, ut infra ostendimus; perfectiones vero creaturarum sunt limitatae & finita: Ergo creatura simul cum Deo, non faciunt aliquid maius & perfectius, quam solus Deus.

Secundò, Deus est ens per essentiam, creatura entia per participationem: Unde sicut participatio alicuius rei, non ponit in numero cum re cuius est participatio, ita nec creatura, in ratione perfectionis, ponunt in numero cum Deo, e- junque perfectionibus.

Tertio, Quando aliquid additur alteri ejusdem rationis, tunc fit aliquid maius, ut si linea addatur linea: ceterum si addatur aliquid diversa rationis, non fit maius, aut perfectius, ut si linea addatur multa puncta: Secundum perfectio creatura est diversa rationis, & ordinis inferioris ad perfectionem divinam, & plus ab illa distat in ratione perfectionis, quam punctus à linea in ratione quantitatis: nam linea & punctus, saltem reducti, ponuntur in eodem predicamento, & aliquo modo convenienter in ratione quantitatis: Deus vero & creatura, se totis diversa sunt, & ne quidem in genere convenienter: Ergo creatura simul cum Deo non faciunt aliquid maius & perfectius, quam solus Deus.

Denique, Sicut tempus additum aeternitati non augmetat nec extendit durationem ipsius: quia omnes durationes illi inferiores, in ea eminentissimo modo continentur: ita Deus & creatura non sunt aliquid perfectius, etiam extensivè, quam solus Deus; quia similiter tota perfectio creaturarum, etiam numerica, in Deo perfectissime continetur.

Confirmatur: Mundus supra divinam perfectionem nihil aliud addit, praeter dependentiam, limitationem, & imperfectionem: Sed ex additione dependentia, & imperfectionis nequit augeri vel extendi divina perfectio: Ergo creatura addita Deo, non possunt facere aliquid maius & perfectius, etiam extensivè propriè. Quod ad hoc, quia extensivè improprie, aliquo modo Deus & universum efficiunt maius, in quantum sunt plures, & plures modi habendi eandem perfectionem, sicut plura puncta faciunt maius extensivè improprie, cum linea; non quod augeant eam extensivè, sed quia sunt plura numero.

ARTICULUS III.

De Bonitate Dei.

Ad questionem 6. Divi Thome.

Quæ D. Thomas docet quest. 5. de bono in communi, philosophica sunt, & supponenda potius ex Metaphysica, quam fusiùs expoundenda. Quare his omissis, solūm hic agemus de bonitate Dei, de qua meritò dici potest illud, quod ait Augustinus de gloria Paradisi: Desiderari potest, concupisci potest, suspicari potest, verbis explicari non potest. Traçt. 34. in locan. §. unius.

M

DISPV TATIO QVARTA.

50

§. unicus.

Demonstratur Deum , triplici bonitate esse summè bonum, & talem per essentiam.

34. **N**otandum primò: Bonum posse sumi tripliciter. Primo absolute, seu fundamentaliter, pro eo quod est in se perfectum in suo genere, sive cui nihil deficit ex iis quæ ad ejus perfectionem & integratatem requiruntur. Sic aqua dicitur absolute bona, quia habet omnia accidentia, omnesque qualitates sibi debitas, verb. grat. colore, sapore, frigiditatem, &c. Unde ad hoc ut aliquid dicatur implicititer & absolute bonum, tria debet habere: scilicet existentiam, perfectiones sibi debitas, & suum ultimum finem. Et in hoc sensu usurpat Divus Thomas rationem boni, hic in prologo quaestione 4. & alibi sèpè ubi dicit: *Vnumquodque secundum quod perfectum est, sic dicitur bonum.* Secundò bonum potest sumi respectivè, seu transcendentaliter, & sub hac ratione consistit formaliter in convenientia cum voluntate, ex qua oritur appetibilitas per modum passionis ad illam consequentis. Tertiò bonitas sumitur pro morali perfectione & rectitudine, quæ res intellegentes, peculiariter bona & denominantur bonitate morali; idque dupliciter: nimirum vel actuali bonitate, quatenus opera bona moraliter, id est recte ratione conformia, exercens vel habitu, & aptitudine quam pertinent ad bene moraliter operandum, quatenus sunt recte disposita per gratiam, & habitus infusos, vel acquisitos.

35. Notandum secundo: Ad rationem boni simpliciter, non solum requiri quod sit in se perfectum, sed etiam quod sit sui diffusivum, & perfectivum alteriorum, sive aliis communicet, ut docet Dionysius de divin. nom. capite 4. & Divus Thomas 3. parte, questione 1. articulo 1. Dupliciter autem aliquid potest esse perfectivum alterius, & sui diffusivum, scilicet per modum causæ efficientis, dando illi esse, & per modum finis & centri, alliciendo appetitum, eumque perfectè satiando & quietando.

36. Notandum tertio: Aliquid posse dici tale per essentiam duobus modis: Primo ex parte subjecti, secundo ex parte prædicati. Dicitur tale per essentiam primo modo, quando illud ei convenit ex visu essentia, & non ab aliquo extrinseco: sicut homo dicitur per essentiam rationalis. Secundo vero modo, quando non solum ex vi sua essentia habet aliquam formam, sed etiam eam possidet cum tota plenitudine, & absque ulla limitatione & contractione. Quo pacto, si daretur albedo ab omni subiecto separata, esset talis per essentiam, non solum ex parte subjecti, sed etiam ex parte prædicati, quia carerer omni limitatio-
vo, & omnem perfectem albedinis in se con-
tineret. His præmissis,

Dico primò, Deum esse summè & essentiali-

ter bonum, bonitate absoluta.

Probatur: Bonitas absoluta, ut diximus in primo notabili, consistit in integritate & perfectio-
ne rei: Sed Deus est summè & infinite perfectus,
omnesque perfectiones imaginabiles, in se for-
maliter, vel eminente continet, ut supra ostendimus: Ergo bonitate absoluta, est summè & ex-
cellentissime bonus. Quare Dionysius de divin.
nom. cap. 13. assert quatuor rationes, cur Deus
sit & dicatur infinite bonus. Prima, quia est

A. à uoto eius, id est à se perfectus, & non à ulla causa efficiente, vel formaliter, sed à simplicissima essen-
tia. Secunda, quia est à ipso eius, id est superperfectus, superexcellens, ac excedens omnem perfec-
tionem imaginabilem. Tertia, quia ejus perfec-
tio non potest augeri vel minui. Quarta, quia assidue omnia suo influxu perficit, & ita plenus & superplenus est omnibus bonis, ut veluti fons inexhaustus, perpetuus & incessabilis largitione donorum, in omnes creature exuberet; iuxta illud Psalmi 103. Aperiente manum tuam, omnia im-
plebuntur bonitate. Unde idem Dionysius: *Sicut Sol noster non cogitatione, aut voluntate, sed eo ipso quod est, omnia illuminat, que eius lumen pro modo suo capere possunt, sic etiam ipsum bonum, scilicet Deus, omnibus procurans captu totius bonitatis radios emit-
tit.*

Præterea, Deus non solum est perfectus a-
liorum in genere causa efficientis, sed etiam in
genere causa exemplaris & finalis: non solum enim est fons, ex quo omnis perfectio naturæ, in
omnia quæ sunt, manat; sed etiam mensura, ex
cujus comisura et ipsa perfectionis ratio
pendet, & finis ac centrum, ad quod omnia inge-
nitio pondere tendunt, in quo omnia quiescent,
& in quo est omnis amoris illicitum, omnis desiderii consummatio, omnis motionis terminus,
omnisque appetitus satietas.

Dico secundo, Deum etiam esse summè bonum, bonitate respectivā, seu convenientiā cum appetitu.

Probatur: Deus habet perfectionem sibi máxi-
mè convenientem, & necessariò amabilem
se. Est etiam summè bonus, & convenienti creaturis, ut causa, & finis omnium, ut jam declara-
vimus, & exponit D. Thomas huc quæst. 6. art. 2.
& 4. Item, quibusdam specialiter est bonus &
conveniens: justus ut amicus, beatus ut fruibilis,
studiōs ut causa exemplaris omnis iusticia &
sanctitatis, penitentibus, ut author remissionis
& gratia: iuxta illud Threnorum 3. *Bonus est Do-
minus propter in eum, anima querenti eum.* Et Ps.
72. *Quam bonus Israhel Deus sis qui recte sunt corde!*
Ergo Deus est summè bonus, bonitate respectivā,
se convenientiā cum appetitu.

Dico tertio, Deum etiam esse summè bonum, bonitate morali.

Probatur primò: Bonitas moralis consistit in
perfectione morum, quæ in Scriptura, iustitia
vocari solet: Sed & Deo est perfectio morum, si-
ne ullo defectu & imperfectione; ut demonstrat
D. Thomas in opusculo de moribus divinis, &
eleganter expendit Augustinus libro 1. contra
Aversarium legis & Prophetarum, capite vi-
gesimo, ubi haec scribit: *Non enim sicut hominem
penitet Deum, sed sicut Deum.* Quemadmodum non
sicut homo irascitur, nec sicut homo miseretur; nec
sicut homo zelat, sed omnia sicut Deus. Penitentia Dei
non est post errorem, Ira Dei non habet perturbantia
animi ardorem: misericordia Dei non habet compati-
entis misericordia cor, unde in lingua latina
nomen accipit: *zelus Dei non habet mentis livorem, sed
penitentia Dei dicitur, rerum in eius potestate
constitutarum hominibus inopinata mutatio: ira
Dei est vindicta peccati: misericordia Dei est bónitas
opitulans: zelus Dei est providentia, quæ
non sinat eos quos subditos habet, impunè amare quod
prohibet.*

Probatur secundò conclusio: Bonitas moralis
nihil aliud est quam perfecta sanctitas: Sed in
Deo est sanctitas perfectissima, & infinita: Ergo
& ho-

DE ATTRIBVTIS IN PARTICVLARI.

91

& bonitas moralis. Minor probatur. Sanctitas, ut docent Theologi cum S. Thoma, tria importat, sive ex tribus coalescit: primum est munditia & puritas, sanctus enim græcè dicitur ἅγιος quasi sine terra; unde Dionyphius cap. 12. de divisione nominis. *Sanctitas est ab omni sceleri libera, & omnino perfecta, & ex omni parte immaculata purissima.* Secundum est firmitas, sanctum enim idem significat ac sanctum, seu lege firmatum, unde Ulpianus in de divisione rerum, ait: *Sacra loca sancta esse, quia sanctum est quod sanctione aliquam firmatum est.* Tertium sanctitas importat quandam divino cultui consecrationem, & perfectam conjunctionem cum Deo, qua sit præcipue per charitatem. Addit Isidorus libro Etymol. cap. 18. quod sanctus idem significat quod sanguine timore, & quod antiquitus illi qui purificari volebant, sanguine hostia tingebantur: unde Apostolus ad Hebreos 9. fine sanguinis effusione non sit remissio, id est legalis sanctificatio. Hec autem perfectissime Deo convenienter: est enim in primis ab omni sceleris labe purissimus, & ab omni terrena contagione secretissimus: Mundi sunt enim oculi eius ne videat malum, & respicere ad iniuriam non poterit, ut dicitur Abacuc 1. Et Dionysius cap. 1. de divin. nomin. *Divina substantia (inquit) totius immaculata supervenientia, ab universa substantia separata est.* Secundum immutabilis in suis decretis, & in bono constantissimus. Tertio sibi addictissimus est, & quodammodo consecratus, & voluntati sua, tanquam prima totius sanctitatis regulæ, immobiliter adhaerens, à qua nunquam potest deflectere, sicut nec à suo esse; ipse enim est suum velle, sicut & suum intelligere, & esse. Neque etiam illi deest quarta sanctitatis acceptio, quam à sanguinis effusione aliqui desumunt, ut vero ille sanctus sit, qui proprio vel alieno sanguine purpurascit: Deus enim ad totius suæ sanctitatis complementum, voluit humanæ naturæ, quam sibi copulavit, cruce in Circumcisione & Passione effuso, rubescere, & proprio sanguine Christianam lancire disciplinam, novoque illo titulo, novam sanctitatis prærogativam promereri.

⁴¹ Probatum tertio conclusio: Sicut veritas & perfectio naturalis in rebus, consistit in eo quod sunt conformes conceptui, seu idea mentis divini, ut docet D. Thomas infra quest. 16. ita & sanctitas, seu bonitas moralis, consistit in conformatitate cum voluntate Dei, & cum lege aeterna: quia sicut divina idea est origo primordialis omnis perfectionis entitativa & naturalis, ita & lex externa est mensura ac regula omnis perfectionis moralis, & omnis rectitudinis affectus & moris. Unde cum Deus sibi ipsi maximè coniunctus sit, tum per naturam, tum per affectum amoris; & ipsem sit sua lex, & sua regula, à qua deviare non potest, sicut nec à sua essentia, est infinite sanctus & bonus, bonitate non solum naturali, sed etiam morali, & hoc tripliciter. Primo formaliter, ratione conjunctionis, sive potius identitatis sua voluntatis cum lege aeterna, ut jam declaravimus. Secundo objectivè, seu exemplariter, quia est objectum, & regula omnis sanctitatis creare, juxta illud Leviticus 19. *Sancti estote, quia ego sanctus sum.* Tertio eminenter & causaliter, quia est fons & principium omnis sanctitatis, & bonitatis moralis, quæ est in creaturis: unde ob triplicem illam sanctitatis prærogativam, Seraphim die ac nocte sacrum illud trisagium, *Sanctus, Sanctus, Sanctus,*

Tom. I.

A dho, ante thronum Dei decantant, ut dicitur Isaiae 46. vel etiam dicitur ter maximè sanctus, quia est purissimus, & ab omni peccati labe alienissimus; quia immutabilis, & in bono constantissimus; & quia est simplicissimus sibi addictissimus, juxta triplicem sanctitatis acceptationem, à nobis suprà declarata.

Dico ultimò, Deum esse bonum per essentiam, tam ex parte subjecti, quam ex parte praedicati.

Probatum prima pars: Illud dicitur tale per essentiam ex parte subjecti, quod habet aliquam formam, vel perfectionem ex vi sua essentia, sicut homo rationalitatem: sed Deus est bonus per seipsum, & ex vi sua essentia, juxta illud Leonis Papæ, *Deus cuius natura bonitas, & opus misericordia.* Unde Tertullianus lib. 1. contra Marcionem: *Deus est seipso bonus, ex nobis iustus (intellige iustitia vindicativa) & prior est bonitas Dei secundum naturam, posterior severitas secundum causam: illa propria, hac accommodata, illa edita, hec adhibita &c.* Et ibidem addit, *Deus de sola bonitate censendus.* Ubi ponderanda est vis hujus verbi, censendus, significat enim, quod divina bonitas est quasi totius divinitatis census, & veluti divini ararii pretiosissimus thesaurus; uix illud Apostoli, *Dens qui dicitur in misericordia.* Epistola Primus ergo Dei cultus (inquit Seneca) est Deum ⁹³ credere, & inde reddere illi maiestatem suam, reddere bonitatem sine qua nulla maiestas est.

Secunda pars conclusionis probatur: Esse bonum per essentiam ex parte praedicati, est in se habere totam plenitudinem bonitatis & perfectionis, sine ullo limitativo & contractivo, ut exposuimus in tertio notabili: Sed Deus totam plenitudinem bonitatis, & perfectionis in se possideret, sine ullo limitativo & contractivo, ut constabit ex dicendis articulo sequenti: Ergo est bonus per essentiam, non solum ex parte subjecti, sed etiam ex parte praedicati. Uude Dionysius de divin. nomin. cap. 1. *Deum, ipsum bonum, & ipsum putebrum, appellat.* Et Lucæ 14. solus Deus dicitur esse bonus, quia ut notat Augustinus super Psalm. 134. Omne aliud bonum alio bonum est, solus vero Deus est seipso bonus, bonum omnium bonorum, bonum à quo sunt omnia bona, bonum sine quo nihil est bonum quod sine ceteris bonum est. Cur ergo (exclamat Anselmus) per multa vagaris homuncio, Cap. 25. quarendo bona anima tua, & corporis tui? Ama bonum in quo sunt omnia, & sat is est: desidera simplex bonus, & sufficit. Pudeat (addit Augustinus) cum alia non amentur, nisi quia bona sunt, eis inhaerendo, prof. non amare bonum, unde bona sunt.

E

ARTICULUS IV.

De infinitate Dei.

Ad questionem 7. D. Thome.

Sicut divina bonitas magis à nobis diligiri quam declarari potest, ita & ejus infinitas admiratione potius, & silentio, quam sermones, & discursus explicanda est. Ut enim dicit Cyprianus: *Deus nec videri potest, visu clarius est.* ^{Libre} *Nec comprehendendi, tactu purior est.* Nec estimari, ^{quod} *sensu maior est.* Et ideo sic cum dignè estimamus, ^{non sensu} *idem inestimabilem dicimus.* Ut tamen ex hoc

M 2

immen-